

АКАФИСТ

СВЯТИТЕЛЮ

ЛУКЕ,

архиепископу Крымскому,
исповеднику



Издательство Московской Патриархии
Русской Православной Церкви
Москва 2018

УДК 27-528
ББК 86-372
А38

Рекомендовано к публикации
Издательским советом
Русской Православной Церкви
ИС Р18-815-3306

**Акафист святителю Луке, архи-
епископу Крымскому, исповеднику.** —
А38 М.: Издательство Московской Патри-
архии Русской Православной Церкви,
2018. — 72 с.

ISBN 978-5-88017-702-8

© Издательство Московской
Патриархии Русской
Православной Церкви, 2018



**АКАФИСТ
СВЯТИТЕЛЮ ЛУКЕ,
АРХИЕПИСКОПУ КРЫМСКОМУ,
ИСПОВЕДНИКУ**

Кондак 1

Избранный святителю Церк-
ве Православныя и испо-
ведниче, возсиявый стра-
не нашей, яко светозърное свети-
ло, добре потрудивыйся и за имя
Христово гонение претерпевый,
прославляюще прославльшаго тя

Господа, даровавшего нам тебе
новаго молитвенника и помощ-
ника, похвальное воспеваем ти
пение; ты же, яко имеяй велие
дерзновение ко Владыце Небесе
и земли, от всяких недугов ду-
шевных и телесных свободи нас
и добре стояти во Православии
укрепи, да вси во умилении зо-
вем ти:

Радуйся, святителю и исповед-
нице Лукó, врачу благий и мило-
стивый.

Икос 1

Ангелов собесѣднице и чело-
вѣков наставнице, Лукó пре-

славный, подобне евангелисту и
апостолу Луцѣ, емуже тезоиме-
нит сый, от Бога дар целити не-
дуги человеческия приял еси,
многия труды подъемля во вра-
чевании болезней ближних, плоть
нося, о плоти не радѣл еси, дѣлы
же добрыми Отца Небеснаго про-
славил еси. Темже благодарне во
умилении зовем ти:

Радуйся, от юности разум свой
игу Христову покоривый; радуй-
ся, пречестное Святыя Троицы
селение бывый.

Радуйся, блаженство милости-
вых, по слову Господа, унаследо-
вавый; радуйся, верою Христовою

и знáнием богодаровáнным мно́гия недúжныя исцелíвыи.

Рáдуйся, стра́ждущих недúги телéсными врачú милосéрдный; рáдуйся, во дни брáни вождéй и воинов целíтелю искúсный.

Рáдуйся, всех врачéв настáвниче; рáдуйся, скóрый в нúждах и скóрбех сúщим помóщниче.

Рáдуйся, Цёркве Правослáвныя утверждéние; рáдуйся, земли́ нáшея озарéние.

Рáдуйся, крýмския пáствы похвалéние; рáдуйся, гра́да Симфе́рополя украше́ние.

Рáдуйся, святíтелю и исповéдниче Лукó, врачú благíй и мíлостивый.

Конда́к 2

Рíдя в челове́цах во вре́мя врачевáний, áки в зерка́ле, премúдрость и сла́ву Творца́ вся́ческих Бо́га, к Немú дúхом всегда́ возно́сился еси́, богомúдре; све́том же богоразúмия твоего́ и нас озари́, да вопие́м кúпно с тобо́ю: Аллилу́ия.

И́кос 2

Рáзум твой Божéственными учёньми просвети́л еси́, Лукó всесла́вне, отвéргнув вся́кое плотскóе мудрова́ние, с рáзумом же и во́лю повинúл еси́ Гóсподеви, подо́бен апо́столом быв. Тíи бо,

по слову Христову: грядите по Мне, и сотворю вы ловцы человеком, оставиша вся и по Нем идоша, и ты, святе, услышав Господа Иисуса, зовущаго тя на служение, прие́млещи священство в Церкви Православней. Сего ради, яко богомудраго наставника ты убожающе, воспеваем сиче:

Радуйся, о души причесное попечение показавый; радуйся, Ангела хранителя твоего возвеселивый.

Радуйся, во учении преспевавый и мудрецы мира сего удививый; радуйся, от творящих беззаконие стопы твои уклонивый.

Радуйся, Божия Премудрости проповедниче и созерцателю; радуйся, истиннаго богословия златословесный учителю.

Радуйся, апостольских преданий блюстителю; радуйся, Православия ревнителю.

Радуйся, звезд, путь ко спасению показующая; радуйся, свеще, Богом возжженная, мрак нечестия разгоняющая.

Радуйся, раскольников обличивый; радуйся, свидений и оправданий Господних возжадавый.

Радуйся, святителю и исповедниче Лукó, врачу́ благий и милостивый.

Конда́к 3

Силою благодати Божия, ещё во временней жизни приял еси дар, святе Лукó, недуги целити, да вси усердно притекаюЩИ к тебе исцеления болезней телесных и наипаче душевных сподобляются, вопиюще Богу: Аллилу́ия.

И́кос 3

Имея неусыпное попечение Но спасении душ, вверенных тебе от Бога, Лукó блаженне, пастырски к душеспасительной жизни и словом, и самым делом непрестанно их наставлял еси. Сего ради прими́ от нашего

усердия похвалы, достойно тебе приносимыя:

Радуйся, разума Божественнаго исполненный; радуйся, благодатию Духа Святаго приосененный.

Радуйся, нищетю Христовою обогативыйся; радуйся, щите, защищаяй благочестие.

Радуйся, пастырю добрый, блуждающих по горам суемудрия взыскавый; радуйся, делателю винограда Христова, чад Божиих в вере укрепляяй.

Радуйся, непоколебимый Православия столпе; радуйся, твердый каменю веры.

Ра́дуйся, душепа́губнаго неведе́рия и обновле́нческаго раско́ла обличите́лю; ра́дуйся, в де́ланиии духо́внем подви́зajúщихся му́дрый укрепите́лю.

Ра́дуйся, от ми́ра гони́мым пристáнице тѣхое указу́яй; ра́дуйся, я́ко при́йм крест, Христу́ последовал еси́.

Ра́дуйся, святите́лю и испове́днице Лукó, врачу́ благий и мило́стивый.

Конда́к 4

Бу́рю внутрь имѣя помышлѣ́ний мно́гих, недоумевáше раб Бо́жий, что рече́т о нем Госпо́дь, егда́ проразумевáху его́ досто́йна

бы́ти епи́скопом гра́ду Ташкѣнту, обáче все́го себе́ Христу́ Бо́гу преда́в, Тому́ о всем благодарѣ́ние возсыла́ше, зовый: благо́словѣн Бог, излива́яй благода́ть Свою́ на архиере́и Сво́я, и по́я Ему́: Аллилу́ия.

И́кос 4

Глы́шавше лю́дие правосла́внии, в гонѣнии сущии, о благо́плóдных добро́тах души́ твое́я, богонóсе Лукó, и ви́девше тя на степѣни святите́льства, я́ко до́стойный сосу́д Божѣственны́я благода́ти, вся немощна́я врачующия и оскудева́ющая восполня́ющая, дивля́хуся чу́дному

промышлѣнію Божію о тебѣ
и приношаху ти благохвалѣнія
сицевая:

Радуйся, архиерѣю, от Самаго
Господа пронаречѣнный; радуй-
ся, о надписаніи сана епископ-
скаго на книзе твоѣй предуказаніе
мысленное приѣмый.

Радуйся, иерархов изрядное
украшѣние; радуйся, пастырю,
душу за овцы Христовы поло-
жити готовый.

Радуйся, многосвѣтлый Цѣркве
свѣтільниче; радуйся, апостолов
сопричастниче.

Радуйся, исповѣдников удоб-
рѣние; радуйся, всякое о себѣ от-
вергнувый попечѣние.

Радуйся, скорбѣй утолѣтелю;
радуйся, о людскихъ невѣжестви-
ихъ печальниче.

Радуйся, искавшихъ спасѣнія
правымъ учѣніемъ оглашавый; ра-
дуйся, житіемъ твоимъ сего учѣнія
не посрамивый.

Радуйся, святителю и исповѣд-
ниче Лукo, врачу благій и мило-
стивый.

Кондакъ 5

Боготочною Крoвию Христо-
вою от вѣчныя смѣрти ис-
куплѣнныя желая соблюсти,
во дни страшныхъ гонѣній сан
епископскій от рукъ архиереев

православных приял еси, святителю Лукó, и дело благовестника добре сотворил еси, обличая, запрещая, умоляя со всяким долготерпением и учением и поя Богу: Аллилу́ия.

Икос 5

Ридевше Ангельстии чинове великия подвиги твоя, удивишася, егда по заповеди Господней: блажени изгнани правды ради, яко тех есть Царствие Небесное, в крепости сердечней безропотно понесл еси заточение и изгнание за имя Господа и Святу́ю Церковь Христо́ву, терпении-

ем велиим устраоя спасение свое, примером же своим верных души назидая. Мы же тя, усердно любовью почитающе, чувствуем похвалами сими:

Ра́дуйся, светильниче, на свещнице церковнем поставленный; ра́дуйся, подвижниче, образ любви долготерпящия явивый.

Ра́дуйся, защищати тя верным воспретивый; ра́дуйся, в руки мучителей за веру смиренно нощию предавыйся.

Ра́дуйся, пособниками неправедных судей униженный; ра́дуйся, в заточение со смирением безропотно шедый.

Ра́дуйся, правды ра́ди с па́ствою твоёю ташкѣнтскою разлучѣние претерпѣвый; ра́дуйся, яко вѣрнии о разлучѣнии с тобою рыда́ху.

Ра́дуйся, за Го́спода распя́таго изъязвленнѣи и заушѣннѣи; ра́дуйся, лживая уста́ безбо́жных заградѣвый.

Ра́дуйся, праведными усты́ твоѣи Небѣсныя ѣстины и во изгнѣнии вещавѣый; ра́дуйся, яко мученицы на Небесѣх о терпѣнии твоѣм ликовствовáху.

Ра́дуйся, святѣителю и исповѣднице Лукó, врачú благѣи и мѣлостивѣый.

Конда́к 6

Проповѣдник немóлчнѣи та́йны Пресвяты́я, Единосу́щныя и Нераздѣльныя Трѣицы был еси́ и в темни́це, и во гра́дех изгнѣния сибѣрскаго, терпя́ глад, мраз страны́ се́верныя и жестóкость клеверѣтов безбо́жных. Сего́ ра́ди проповѣдует Цѣрковь Крѣмская вели́чя Бо́жия, явлѣнная на тебѣ, святѣителю Лукó. Мы же еди́нем се́рдцем и еди́ними усты́ воспѣваем Бо́гу: Аллилúя.

Ѣкос 6

Розсия́л еси́, яко звезда́ лучеза́рная, красноя́рской па́стве

и тамбовской, озаряя души верных и разгоняя тьму нечестия и безбожия. И исполнишася на тебе слова Христовы: блажени есте, егда поносят вам, и ижденут, и рекут всяк зол глагол на вы, лжуще, Мене ради. Ты бо, гонимый из града во град и клеветы терпевый, архипастырское служение усердне исполнял еси и сладостию писаний твоих вся алчущия и жаждущия правды насыщал еси, иже благодарне взывают тебе:

Радуйся, наставниче, всех к Небеси путеводый; радуйся, о славе Божией искренно ревновавый.

Радуйся, воине Христов непобедимый; радуйся, за Христа Господа темницы и биения терпевый.

Радуйся, смирения Его истинный подражателю; радуйся, вместилище Духа Святаго.

Радуйся, вшедый с мудрыми в радость Господа твоего; радуйся, корыстолюбия обличителю.

Радуйся, пагубу тщеславия показавый; радуйся, беззаконники ко обращению призывавый.

Радуйся, тобою бо Христос прославился; радуйся, тобою бо сатана посрамился.